



Terenga 6: Hōtaka 43 - Ngā mahi a te tinana

He Mihi

Mena e iri māro nei tō manawa ki te kai a te rangatira, kua tatū mai koe ki te wāhi tika. Nau mai ki te whare o Ako, hei taunga mō te hunga e ngākaunui ana ki te reo Māori.

Hei Mahi Whakarongo

Nā Raukatauri te hōtaka o Iwi Anthems i waihanga, e rangona ai ngā reo waiata o ngā iwi katoa o te motu. I te rā nei, ko te kapa o Ngāti Awa kei mua i te aroaro. Anei ngā pātai hei whakautu mā koutou:

- 1) Ko wai a Te Tahi o te Rangī?
- 2) He aha tana mahi?
- 3) Nō hea ia?

Kia mātaki ake tātou i te kapa o roto o Ngāti Awa.

He Whakamārama

Anei ētehi kīanga e whakaatu ana i ngā mahi a ētehi wāhanga o te tinana.

- taringa whakarongo
- ringa pākia
- toro mai tō ringa
- e tū tō wae...
- e huri tō kanohi...
- whakarongo rua aku taringa

He Mahi Ī-papa



He wāhanga tinana kei runga i te Īpapa. Mā koutou e tuhi ētehi kīanga, rerenga kōrero rānei e kitea ai ētehi mahi a taua wāhanga o te tinana.

Hei Mahi

Whakaotihia ngā rerenga kōrero ki te wāhanga o te tinana e hāngai ana ki te mahi, ki te āhua rānei:

- | | | |
|----------------------|-------------------------|--------------------------|
| 1. Ka nanao te... | 2. Ka hītekiteki ngā... | 3. Ka whākana ngā... |
| 4. Ka hītamo ngā... | 5. E kopi tō...! | 6. Me papaki ō... |
| 7. Pīkari ana ngā... | 8. Me hōmiromiro e ō... | 9. Me aroarowhaki ngā... |

Whakautu:

Mahi Īpapa: *E moe ō karu. / Pūkana mai ō karu/whatu.*

Hei Mahi:

1. ringa
2. waewae
3. karu
4. ringa
5. waha
6. ringa
7. taringa
8. kanohi
9. ringa

He waiata mō ngā wāhanga o te tinana (Rangi: *That's what they taught me when I went to school*)

Ringaringa ki te māhunga, tāna mahi he kōhi mātauranga

Ringaringa ki te karu, tāna mahi he kekekeke atu e
Kekekeke te karu, mātauranga e
Ko ēnei ngā taonga o te tinana e

Ringaringa ki te ihu, tāna mahi he tiaki hūpete e
Ihu hūpete, kekekeke te karu, mātauranga e
Ko ēnei ngā taonga o te tinana e

Ringaringa ki te waha, tāna mahi he waha kōrero
Waha kōrero, Ihu hūpete, kekekeke te karu, mātauranga e
Ko ēnei ngā taonga o te tinana e

Ringaringa ki te ū, tāna mahi he ngote pēpē e
Ngote pēpē, Waha kōrero, Ihu hūpete, kekekeke te karu, mātauranga e
Ko ēnei ngā taonga o te tinana e

Ringaringa ki te puku, tāna mahi he kai kāpata e
Kai kāpata, Ngote pēpē, Waha kōrero, Ihu hūpete, kekekeke te karu, mātauranga e
Ko ēnei ngā taonga o te tinana e

Ringaringa ki raro, tāna mahi he mahi mokopuna
Mahi mokopuna, Kai kāpata, Ngote pēpē, Waha kōrero, Ihu hūpete, kekekeke te karu, mātauranga e
Ko ēnei ngā taonga o te tinana e

Ringaringa ki muri, tāna mahi he tuku parapara
Tuku parapara, Mahi mokopuna, Kai kāpata, Ngote pēpē, Waha kōrero, Ihu hūpete, kekekeke te karu,
mātauranga e
Ko ēnei ngā taonga o te tinana e

